

Hadapi pertuduhan pecah amanah, tuntutan palsu lebih RM100 juta

# Bekas CEO, isteri kena dakwa

Oleh MOHD. YUNUS YAKKUB

**SHAH ALAM** – Seorang bekas ketua pegawai eksekutif (CEO) sebuah syarikat sarung tangan bergelar Datuk dan isterinya didakwa di Mahkamah Sesyen di sini semalam atas pertuduhan membuat tuntutan palsu dan pecah amanah berjumlah lebih RM100 juta.

Tertuduh, Lee Son Hong dan Too Sooi Keng masing-masing berusia 63 tahun mengaku tidak bersalah di hadapan Hakim Rozilah Salleh.

Berdasarkan pertuduhan pertama hingga ketiga, Son Hong didakwa dengan niat memperdayakan inoivis mesin membuat sarung tangan atas nama Tower Success Group Ltd. bernilai RM8.38 juta.

Kesalahan dilakukan di WRP Asia Pacific Sdn. Bhd, kawasan perusahaan Bandar Baru Salak Tinggi, Sepang pada 27 Mac hingga 22 Disember 2015.

Pendakwaan dijalankan mengikut Seksyen 18 Akta Suru-



**SOOI KENG menutup mukanya semasa dibawa untuk pertuduhan bersubahat di Mahkamah Sesyen Shah Alam semalam.**

hanjaya Pencegahan Rasuah Malaysia (SPRM) yang membawa hukuman penjara sehingga 20 tahun dan denda.

Bapa dua anak itu turut berdepan lapan pertuduhan pecah amanah berjumlah RM136.9 juta milik syarikat sama.

Sementara itu, Sooi Keng pula

menghadapi tujuh pertuduhan bersubahat dengan suaminya atas kesalahan sama membabitkan jumlah RM107.9 juta.

Kesalahan itu dilakukan pada Disember 2013 hingga Januari 2018.

Pendakwaan dijalankan mengikut Seksyen 409 Kanun Ke-



**PEGAWAI SPRM membawa Son Hong (dua dari kanan) untuk didakwa atas tuduhan membuat tuntutan palsu dan pecah amanah.**

seksaan yang membawa hukuman penjara sehingga 20 tahun, denda dan sebatan.

Pendakwaan dikendalikan Timbalan Pendakwa Raya SPRM, Ahmad Akram Gharib dan Mohd. Mukhzany Fariz Mohd. Mohktar, manakala peguam P.G. Cyril, Datuk D. Sethinathan dan Nur Ami-

nahtul Mardiah Md. Nor mewakili pasangan tersebut.

Mahkamah membenarkan pasangan itu diikat jamin sebanyak RM1.5 juta bagi kesemua pertuduhan dan menyerahkan passport kepada mahkamah.

Sebutan semula kes ditetapkan 4 Januari 2021.